



SAKSPAPIR

Saksnr	Utval	Type	Dato
07/2020	Formannskap/plan- og økonomiutvalet	PS	04.02.2020
06/2020	Kommunestyret	PS	25.02.2020

Sakshandsamar	Arkiv	ArkivsakID
Atle Fasteland	FA-G21, TI-&85	18/554

DELTAKING I UTGREIING AV INTERKOMMUNALT LEGEVAKTSAMARBEID

Vedlegg:

Deltaking i utgreiing av interkommunalt legevaktsamarbeid - melding om vedtak i Samnanger kommunestyre

Utredning av interkommunalt legevaktsamarbeid - Byrådssak, Bergen kommune

Vedr. interkommunalt samarbeid om legevakt i Arna - melding om vedtak, Bergen kommune
Legevakt for Vaksdal - uttale frå Eksingedalen

Rådmannen sitt framlegg til vedtak:

Vaksdal kommune deltek ikkje i utgreiing om interkommunalt legevaktsamarbeid i Arna/Bergen.

Nytt forslag til vedtak frå Kristeleg folkeparti, ved Frøydis Gullbrå

Vaksdal kommune arbeider vidare med å sikra innbyggjarane god legevakt-teneste gjennom noverande interkommunalt samarbeid på Voss, og deltek ikkje i vidare utgreiing om interkommunalt samarbeid om legevakt i Arna / Bergen.

Formannskap/plan- og økonomiutvalet - Sak 07/2020

FPØ - Behandling:

Kjartan Haugsnes (SV) la fram nytt framlegg til vedtak:

Vaksdal kommune gir tilslutning til vedtaket i Bergen byråd i sak 1241/19 om å iverksetja ei utgreiing om interkommunalt legevaktsamarbeid i Arna.

Formannskapet drøfta saka og rådmannen sitt framlegg til vedtak vart sett opp mot SV sitt framlegg til vedtak.

SV sitt framlegg vart vedteke med 4 mot 3 stemmer.

Rådmannen sitt framlegg fekk 3 stemmer, Hege Eide Vik (SP), Heidi Rongved (AP) og Thor Andersen (AP).

SV sitt framlegg fekk 4 stemmer, Kjartan Haugsnes (SV), Amalie Johnsen Lund (H), Trond Olav Magnussen (H) og Boris Groth (FRP).

FPØ - Tilråding/Vedtak:

Vaksdal kommune gir tilslutning til vedtaket i Bergen byråd i sak 1241/19 om å iverksetja ei utgreiing om interkommunalt legevaktsamarbeid i Arna.

Kommunestyret - Sak 06/2020

KOM - Behandling:

Frøydis Gullbrå (KRF) la fram nytt framlegg til vedtak:

Vaksdal kommune arbeider vidare med å sikra innbyggjarane god legevakt-teneste gjennom noverande interkommunalt samarbeid på Voss, og deltek ikkje i vidare utgreiing om interkommunalt samarbeid om legevakt i Arna / Bergen.

Røysting

Formannskapet si tilråding til vedtak vart sett opp mot KRF sitt framlegg til vedtak.

Formannskapet si tilråding fekk 10 stemmer (SV, FRP og Høgre).

Kristeleg folkeparti sitt framlegg vart vedteke med 11 stemmer (KRF, SP og AP).

KOM - Tilråding/Vedtak:

Vaksdal kommune arbeider vidare med å sikra innbyggjarane god legevakt-teneste gjennom noverande interkommunalt samarbeid på Voss, og deltek ikkje i vidare utgreiing om interkommunalt samarbeid om legevakt i Arna / Bergen.

Saksopplysningar:

Kommunestyrevedtak 18.12.2017:

Vaksdal kommune arbeidar vidare med å få etablert ei felles legevaktordning saman med Samnanger, Osterøy og Kvam i Arna.

Det har tidlegare vore to møter med nabokommunane om legevakt i Arna. Bergen har ikkje delteke. Konklusjonen etter møta har vore at Bergen må vere med om dette skal vera aktuelt. Ordførar i Osterøy har tatt initiativ opp mot Bergen kommune.

I mai 2019 vart det gjennomført eit møte mellom dei dåverande ordførarane i Osterøy, Samnanger og Vaksdal samt helsebyråd Husa, Bergen kommune, om å eventuelt starte ein prosess med tanke på

å få til ei felles legevakt i Arna bydel. Med på møtet var og rådmennene i Osterøy, Samnanger og Vaksdal.

Det ligg føre likelydande vedtak frå Osterøy og Samnanger i saka.
Vedlagt følgjer kopi av vedtaket frå Samnanger kommune.

Bergen kommune sette atterhald om at minst to av dei tre nabokommunane gjev positivt vedtak om tilslutning til utgreiinga i sitt vedtak.
Vedlagt følgjer saksutgreiing og vedtak frå Bergen kommune frå september 2019.

Rådmannen ser at dette var eit godt initiativ. Truleg kunne det vore ei løysing og for Vaksdal å flytte legevakta til Arna/Bergen. Når rådmannen likevel rår frå at ein går vidare med saka, er det lagt vekt på tre område:

- Avstand til Arna/Bergen for mange av innbyggjarane i Vaksdal.
- Vedtak om at Vaksdal kommune har sjukehuset på Voss som sitt lokalsjukehus.
- Rådmannen er noko usikker på om tilbodet innbyggjarane totalt sett får, blir betre om ein byter legevakt.

For mange i Vaksdal kommune er Arna/Bergen geografisk nærare enn Voss. For andre innbyggjarar er avstanden til Bergen veldig lang.

Viser her til vedlegg frå Eksingedalen Bygdaråd av 26.04.18

Nokre innbyggjarar i Vaksdal får kortare veg til eventuell legevakt i Arna/Bergen. Minst like mange får lengre reiseveg. Uansett reiseveg måtte alle, om dei etter besøk på legevakta vert innlagde på sjukehus, reise frå Arna/Bergen og til lokalsjukehuset på Voss. Dette er, slik rådmannen ser det, ei lite tenleg ordning. Om Vaksdal kommune fekk byte lokalsjukehus kunne kanskje konklusjonen vorte annleis, men Voss sjukehus er definert som Vaksdal sitt lokalsjukehus. Så lenge dette vedtaket, fatta utanfor Vaksdal kommune, vert oppretthalde meiner rådmannen at deltaking i utgreiing om interkommunalt legevaktsamarbeid i Arna/Bergen er feil bruk av tid og ressursar.

Det har i prosessen fram mot denne saksutgreiinga vore møte mellom representantar for Helse Vest og Vaksdal kommune. Med på dette møtet frå Vaksdal kommune var Helse og omsorgssjef og rådmann. Vi fekk då klare signal på at eit eventuelt byte av lokalsjukehus er ein lang prosess. Vidare at det neppe vart aktuelt. Dette fordi folketalet i Vaksdal er ein vesentleg del av grunnlaget for å oppretthalde eit lokalsjukehus på Voss. Ingenting er umogleg, men rådmannen ser at det vil vere ein lang og tung kamp, ikkje minst politisk, fram til eit eventuelt byte av lokalsjukehus.

Samarbeidet mellom Vaksdal kommune og legevakta på Voss/Voss sjukehus er godt og konstruktiv. Attendemeldinga frå pasientar kan og tyde på at brukarane er nøgde med tenestene på Voss. Slik sett er tilbodet på legevakta heller ikkje noko godt argument for å byte legevakt.

Eit negativt vedtak i Vaksdal kommunestyre vil heller ikkje hindre, jamfør vedtak frå Bergen kommune, ein vidare prosess der kommunane Osterøy og Samnanger utgreier eit eventuelt legevaktsamarbeid lokalisert i Arna/Bergen.